



UPRAVA POLICIJE

Broj: 05-04/06-11-1155/22/RS

Dana: 23.12.2022. god.

U skladu sa članom 100. stav (5), članom 110. Zakona o javnim nabavkama BiH („Službeni glasnik BiH“, broj 39/14) i članom 26. i članom 27. stav (3) Zakona o unutrašnjim poslovima Unsko-sanskog kantona („Službeni glasnik USK - a“, broj 13/16 i 16/17) u postupku javne nabavke roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu, načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona Bihać d o n o s i:

O D L U K U

o odgađanju postupka dodjele okvirnog sporazuma/ugovora

Član 1.

Odgada se postupak dodjele okvirnog sporazuma/ugovora za nabavku roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu, proveden putem otvorenog postupka, Obavještenje o nabavci objavljeno na portalu Agencije za javne nabavke BiH pod brojem: 20936-1-1-72-3-28/22 od 08.09.2022. godine. Postupak dodjele okvirnog sporazuma/ugovora odgađa se do momenta rješavanja žalbe ponuđača „Autoelektra“ d.o.o. Sarajevo na Odluku o poništenju postupka javne nabavke broj: 05-04/06-11-1155/22/RS od 07.12.2022. godine.

Član 2.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama BiH i to elektronskim sredstvom (mailom).

Član 3.

Ova odluka će se objaviti na web stranici: mupusk@mupusk.gov.ba istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

O b r a z l o ž e n j e

Postupak javne nabavke roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu pokrenut je posebnom odlukom o pokretanju postupka javne nabavke broj: 05-04/06-11-1155/22/RS od 30.08.2022. godine. Javna nabavka je provedena primjenom otvorenog postupka za dostavu ponuda. Kriterij za dodjelu ugovora je najniža cijena sa namjerom provođenja e-aukcije.

Nabavka je podijeljena na 3 (tri) LOT-a i to:

LOT 1 – Rezervni dijelovi za službena motorna vozila,

LOT 2 - Motorno ulje, sijalice i drugi potrošni materijal,

LOT 3 - Akumulatori.

Ukupna procijenjena vrijednost javne nabavke bez PDV-a za sve LOT- ove iznosi do 145.000,00 KM (slovima: stotinučetrestpethiljada i 00/100 KM).

Obavještenje o nabavci broj: 20936-1-1-72-3-28/22 objavljeno je dana 08.09.2022. godine na Portalu javnih nabavki.

Krajnji rok za prijem ponuda bio je 28.09.2022. godine do 12:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-30-463/22 od 26.07.2022. godine.

Nakon provedene e-aukcije Komisija za javne nabavke je dostavila predstavniku Ugovornog organa Zapisnike o otvaranju i ocjeni ponuda zajedno sa Preporukom o izboru najpovoljnijeg ponuđača broj: 05-04/01-1-11-1155/22 od 04.10.2022. godine.

Na osnovu Zapisnika sa preporukom Ugovorni organ je donio odluku o izboru najpovoljnijeg ponuđača broj: 05-04/06-11-1155/22/RS od 05.10.2022. godine kojom je dodijeljen okvirni sporazum/ugovor ponuđaču „Mešan“ d.o.o. Bihać za LOT 1, LOT 2 i LOT 3.

Dana 06.10.2022. godine, svim ponuđačima koji su učestvovali u postupku nabavke, dostavljeno je Obavještenje o rezultatu postupka javne nabavke sa Odlukom o izboru najpovoljnijeg ponuđača.

Nakon dostavljanja obavještenja svim ponuđačima, ponuđač „Autoelektra“ d.o.o. Sarajevo je zatražio uvid u ponude izabranog ponuđača „Mešan“ d.o.o. Bihać. Nakon uvida u ponude, obavljenog dana 12.10.2022. godine, ponuđač „Autoelektra“ d.o.o. Sarajevo je blagovremeno uložio žalbu na odluku o izboru najpovoljnijeg ponuđača.

Ugovorni organ usvaja žalbu ponuđača „Autoelektra“ d.o.o. Sarajevo izjavljenu na pobijanu odluku i donosi Odluku o usvajanju žalbe broj: 05-04/06-11-1155/22/RS od dana 24.10.2022. godine kojom se okvirni sporazum/ugovor za nabavku roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu (LOT 1, LOT 2 i LOT 3) dodjeljuje navedenom ponuđaču. Odluka o usvajanju žalbe je dostavljena na službeni e-mail oba ponuđača dana 25.10.2022. godine.

Nezadovoljan Odlukom o usvajanju žalbe, ponuđač „Mešan“ d.o.o. Bihać blagovremeno je izjavio žalbu na istu.

Razmatrajući navode žalbe, Ugovorni organ u skladu sa članom 100. stav (5) i članom 110. Zakona o javnim nabavkama BiH („Sl. glasnik BiH“, broj: 39/14) kompletan spis predmeta po žalbi upućuje Uredu za razmatranje žalbi BiH na nadležno postupanje.

Ured za razmatranje žalbi BiH, filijala Mostar rješavajući žalbu ponuđača „Mešan“ d.o.o. Bihać, donio je Rješenje broj: JN2-03-07-1-3132-8/22 od 01.12.2022. godine kojim se usvaja žalba i poništava se član 3. dispozitiva Odluke o usvajanju žalbe broj: 05-04/06-11-1155/22/RS od 24.10.2022. godine, te se predmet vraća ugovornom organu na ponovni postupak.

Ugovorni organ donosi Odluku o poništenju postupka broj: 05-04/06-11-1155/22/RS od 07.12.2022. godine kojom se poništava Odluka o usvajanju žalbe broj: 05-04/06-11-1155/22/RS od 24.10.2022. godine, Tenderska dokumentacija zajedno sa Obavještenjem o nabavci broj: 20936-1-1-72-3-28/22 od 08.09.2022. godine kao i svi akti doneseni u postupku javne nabavke roba - rezervni dijelovi, akumulatori, motorno ulje, sijalice i dr. potrošni materijal za službena motorna vozila Uprave policije MUP USK-a za 2023. godinu. Predmetni postupak javne nabavke će se ponovo pokrenuti donošenjem nove odluke o pokretanju postupka.

Nezadovoljan donešenom Odlukom o poništenju postupka broj: 05-04/06-11-1155/22/RS od 07.12.2022. godine, ponuđač „Autoelektra“ d.o.o. Sarajevo blagovremeno izjavljuje žalbu na istu, koja je zaprimljena na protokol Ugovornog organa dana 19.12.2022. godine.

Iz navedenih razloga, Ugovorni organ u skladu sa članom 100. stav (5) i članom 110. Zakona o javnim nabavkama BiH („Sl. glasnik BiH“, broj: 39/14), odgađa postupak dodjele okvirnog sporazuma/ugovora, te kompletan spis predmeta po žalbi upućuje Uredu za razmatranje žalbi BiH na nadležno postupanje, do okončanja žalbenog postupka.

Shodno navedenom, a poštujući proceduru propisanu Zakonom o javnim nabavkama BiH, odlučeno je kao u članu 1. ove odluke.

Dostavljeno:

1. Ponuđaču: AUTOELEKTRA D.O.O., putem e-maila: aesa@bih.net.ba
2. Ponuđaču: MEŠAN D.O.O., putem e-maila: adism72@bih.net.ba
3. Sektor za mat. - fin. poslove i IKT – za objavu
4. a/a

